

欽定四庫全書

子部

仁端錄卷九



詳校官太醫院吏目臣周世泰

編修臣倉聖脈覆勘

欽定四庫全書

仁端錄卷九

痘疹

痘疹雜症

痘疹

痘疹

明 徐謙 撰

陳葵 刪定

痘疹為本而雜症為標然雜症
向緣失治而作不可
徒治雜症故心錄曰治雜症一寸則痘症落後一丈但

雜症不去則痘亦反為所害六日以前毒發未盡有雜症者常也六日以後毒當盡出雜症當除而不除者為逆須急治之故痘症重而雜症輕者則襍症之藥加入痘症藥內是緩則治其本也痘症輕而襍症重者則先逐襍症後調痘症是急則治其標也能精察痘中自現之症治痘易易矣

面色門

痘以心血為主心熱煩躁驚悸面赤皆心經症見也故

面赤為順若見青色是肝木尅制脾土也色不與病相應所以為逆壯實者必至生風虛弱者必至下痢厥逆面色青黃唇口淡白乃脾疳也慎勿因痘枯焦用寒涼太過以致泄瀉蓋痘以脾胃為主脾胃一傷則毒氣下陷虛火上熾必至發喘發渴

面赤如塗朱者凶此邪氣拂鬱於陽明也陽明經上循於面熱盛故赤也宜清解而稍兼利

面垢而慘黯者凶此邪熱拂鬱於少陽也宜表裡俱解

金定四庫全書
卷九
之蓋少陽從中治也

熱甚便閉飲冷面赤者用犀角解毒湯

灌漿時發熱煩躁作渴面赤者用當歸補血湯

痘毒鬱遏風寒內搏凝滯肌膚遍身青色者用透肌散

鼻封眼合門

心肝脾肺腎應耳目口舌鼻鼻乃肺竅肺主氣痘賴氣以拓充鼻封則氣外束而不泄眼乃肝竅肝藏血痘賴血以滋養眼合則血內滯而不滯如是則毒為制化矣

若痘順而稀則陰陽相輔鼻不封而氣自充眼不合而血自榮若痘逆而密則陰陽不和鼻不封則氣不充眼不合則血不榮故犯於血分者必有焦皮鐵葉之色犯於氣分者必有吐衄蓬房之形

三日而封合者易充易靨六日而封合者難足難痂封而不合則陰不滋陽合而不封則陽欠衛陰封者十之三四合者十之七八十三日是眼開之期若過期而不開必熱毒未盡解也當防其壞目

若封而有涕合而有淚者生全之兆

若鼻封而竅外乾黑眼合而眶上如煤者必死

頭痛門

痘中雜症只有頭疼為輕

發熱時風邪入於諸陽之會故令頭疼用清徹湯

有因氣血俱虛而痛者用補中益氣湯

發熱惡寒咳嗽而疼者用參蘇飲

熱氣上攻痰壅頭疼者用二陳湯加山梔荆芥黃芩薄荷

荷石膏

目疾門

眼闕五臟痘發時五臟之火皆動故兩目朦朧神倦不開者痘也目中汪汪若水者疹也諸瘡皆屬心火故其候見於目目赤者心熱甚也目連劄者肝有風也目直視者肝有熱也因而搖動者肝風與心火相搏也痘疹發搐此其常候但瀉心肝二火搐止者吉不止者凶未出之初即與清肝必無目疾

痘前目疾

此時眼中無痘常淚出多眇者肝熱盛也早服瀉肝火之藥以解之

發熱時果係痘症即防痘瘡入眼用護眼法用蟬脫散或洗肝明目散加蟬脫

痘瘡入眼用鱖血或象牙磨水抹之或生地附子搗爛貼足心即愈

風腫翳膜餘熱攻目用蟬脫散

痘中目症

發熱及見點時風熱上攻兩目紅腫用芎蘇散加荊芥
防風蟬脫

痘已盡出而目淚不止痘不起脹者肝熱也宜補脾滋
腎以培其根令肝木自旺不然則木絕而火無生氣不
能起脹而死矣朝服補中益氣湯暮服六味地黃丸以
滋腎

痘已出齊因血熱毒盛而上攻於目以致兩目赤腫痘

色乾紅二便閉塞睡卧不寧用犀角地黃湯加連翹牛
蒡荊芥

眼胞腫者必傷於飲食脾經熱毒食積發熱而然也

露白

七日前露睛者毒尚未解痘少者可勿藥若痘密而露
睛者宜重溫補得目閉者生不閉者母氣離子氣敗必
不能灌漿而死

起脹灌漿時兩眼不合而光爍者死

兩目閉而露睛或如魚眼貓眼者不治

目無魂失意智不省人事者不治

露神

眼乃神光神者心之主毒氣入心亦傷神故神為毒迫而離本位現為眼光異於常時者名曰露神一時精彩倍常身體神氣卓然有餘此燈欲滅而復明之象也須臾即死

落日棲霞

雙目倒停不轉動或轉掣如電光閃爍或忽紅忽白經
云落日棲霞人不識等閒停閃難推測忽紅忽白如電
光驟然死去誰留得此症多於將靨及痂時見之蓋初
時失解火毒復入內傷五臟至落痂時二十四朝忽然
而死

痘後目症

目病多屬風熱血少痘蘊熱毒自裡達外苟氣血弱而
不能逐毒則火內蘊而熱極生風血脉遂行斯入眼矣

故痘瘡入眼不在於初多在於收靨不齊之時或還元之後其時滿面痘瘡破爛重復腫灌者膿血膠固毒蒸入眼或同痘瘡倒陷復起多致入目以其歸毒于肝腎也或痘出多成就遲醫用辛藥發之令痘入目或靨期喜啖辛熱謂之乾漿內外火煽亦令入目或失于清解或逼於火氣或衣被過煖或客冒風寒或恣食鵝鴨雞蛋皆能令氣滯血凝毒存生障為眼之患蓋其翳膜遮睛有似痘瘡而實非也此毒氣留於氣血之分耳有靨

時翳起眼白捥至黑珠漸至瞳神者有痘後三五日而紅腫疼痛者在白睛者久當自去惟黑珠上或掩瞳神者當調治收功于數十劑之後勿驟用寒涼藥峻攻其裡而疎利其下又勿輕用點洗令鬱火不收後復腫作瞳神或突凹或損破則難治大抵痛者易治不痛者難治早用竹葉湯調瀉青丸加砂糖連進二服微利即愈又用洗肝散密蒙花散通聖散兔糞丸外用吹耳丹灸大杼穴一壯或水磨象牙汁點眼或水磨新橄欖核汁

或水磨雌雄二檳榔汁以津潤開眼縫鴨羽拖點眼

痘後眼閉雖暗中亦不開者防目中有瘡用望月砂散

痘後目胞高腫而不流淚乃脾經濕熱非翳也用蒼朮

浸潤炒乾黃連加防風升麻生甘艸為末蜜水調服

痘後頭忽腫兩目不開乃風熱非痘毒也用祛風湯加

竹葉若肝經風熱先用柴胡麥冬湯次用四物湯加山

梔或犀角地黃湯加柴胡或消毒化斑湯

風毒腫痛生翳用蟬脫散